

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE**

**PARLAMENTARNA KOMISIJA
ODGOVORNA ZA REVIZIJU**

Broj: 04/1-02-1314 /21-1
Sarajevo, 21.6.2021. godine

PARLAMENT FEDERACIJE BOSNE I HERCEGOVINE

PREDSTAVNIČKI DOM
n/r predsjedavajućeg

DOM NARODA
n/r predsjedavajućeg

**IZVJEŠTAJ PARLAMENTARNE KOMISIJE ODGOVORNE ZA REVIZIJU
O IZVJEŠTAJIMA REVIZIJE FINANSIJSKIH IZVJEŠTAJA
JAVNIH PREDUZEĆA, AGENCIJE, ZAVODA I FONDOVA
IZ NADLEŽNOSTI PARLAMENTA FEDERACIJE
BOSNE I HERCEGOVINE ZA 2017., 2018. i 2019. GODINU**

Sarajevo, juni 2021. godine

Na osnovu tačke II. Odluke o formiranju Parlamentarne komisije odgovorne za reviziju Predstavničkog doma i Doma naroda Parlamenta Federacije Bosne i Hercegovine („Službene novine Federacije BiH“, broj 53/07 i 34/10; u daljem tekstu: Komisija), Komisija podnosi sljedeći:

IZVJEŠTAJ

U skladu sa odredbama članova 11., 13. i 16. Zakona o reviziji institucija u FBiH („Službene novine Federacije BiH“, broj 22/06), Ured za reviziju institucija u FBiH (u daljem tekstu: Ured za reviziju), javno je objavio izvještaje o reviziji finansijskih izvještaja Javnih preduzeća, Zavoda, Zavisnih društava i Agencija za 2017., 2018. i 2019. godinu. Objavljen je i Izvještaj o izvršenju budžeta FBiH za 2019. godinu sve iz nadležnosti Parlamenta FBiH.

U skladu sa članom 16. Poslovnika o radu, Komisija je 29.1., 1.2., 2.2, 3.2. i 29.3.2021. godine, pristupila proceduri razmatranja izvještaja o obavljenoj finansijskoj reviziji finansijskih izvještaja 11 javnih preduzeća, jednog Zavoda, 5 zavisnih društava, jedne Agencije, dvije Uprave, i Izvještaj o izvršenju Budžeta FBiH za 2019. godinu.

Komisija je u svrhu izrade ovog izvještaja održala sedam sjednica, od toga četiri cjelodnevnne sjednice održane sa ciljem saslušanja revidiranih subjekata, jednu sjednicu posvećenu saslušanju subjekata koji su opravdali svoj izostanak na planiranom saslušanju, jednu pripremnu sjednicu za javna saslušanja i završnu sjednicu tokom koje su sumirani pojedinačni i opšti zahtjevi bazirani na preporukama revizije, identificirani i diskutovani tokom javnih izjašnjenja predstavnika javnih preduzeća, Zavoda, Uprava i Agencije revidirane u 2017., 2018. i 2019. godini.

Način razmatranja izvještaja revizije za javna preduzeća bio je identičan kao i za budžetske korisnike - Komisija je sačinila plan javnih saslušanja, odredila grupe izvjestilaca prema revidiranim preduzećima, obavila razgovore i postavljala pitanja odgovornim licima koja su predstavljala javna preduzeća, Uprave, Agenciju, te predstavnike koji su obrazlagali Izvještaj o Izvršenju Budžeta za 2019. godinu uz uvodne napomene i komentare predstavnika Ureda za reviziju. Javnim saslušanjima su se odazvali predstavnici svih revidiranih subjekata osim tri koji su opravdali svoje neprisustvo ali koji su naknadno bili saslušani.

Struktura izraženih mišljenja za saslušane subjekte revizije je bila sljedeća:

(Grupa 1, Revidirani izvještaji)

1.	Izvještaj o izvršenju budžeta Federacije BiH (2019. godina)	Mišljenje o finansijskoj reviziji: S rezervom	Mišljenje o usklađenosti: S rezervom
2.	Zavod zdravstvenog osiguranja i reosiguranja Federacije Bosne i Hercegovine (2019. godina)	Mišljenje o finansijskoj reviziji: Pozitivno	Mišljenje o usklađenosti: S rezervom
3.	J.P "Elektroprivreda BiH" d.d. Sarajevo (2017. godina)	Mišljenje o finansijskoj reviziji: S rezervom	Mišljenje o usklađenosti: S rezervom
4.	ZD Rudnik mrkog uglja "Kakanj" d.o.o. kakanj (2018. godina)	Mišljenje o finansijskoj reviziji: Negativno	Mišljenje o usklađenosti: Negativno
5.	ZD Rudnik mrkog uglja "Abid Lolić" d.o.o. Bila (2018. godina)	Mišljenje o finansijskoj reviziji: Negativno	Mišljenje o usklađenosti: Negativno

(Grupa 2, Revidirani izvještaji)

1.	Federalna Uprava civilne zaštite (2019. godina)	Mišljenje o finansijskoj reviziji: Pozitivno	Mišljenje o usklađenosti: S rezervom
2.	Javno preduzeće "Hrvatske komunikacije" d.d. Mostar (2019. godina)	Mišljenje o finansijskoj reviziji: Pozitivno sa isticanjem pitanja	Mišljenje o usklađenosti: S rezervom
3.	"Ceste" d.d. Mostar (2018. godina)	Mišljenje o finansijskoj reviziji: Pozitivno	Mišljenje o usklađenosti: S rezervom
4.	RU "Gračanica" d.o.o. Gornji Vakuf – Uskoplje (2017. godina)	Mišljenje o finansijskoj reviziji: Pozitivno	Mišljenje o usklađenosti: S rezervom
5.	DD RMU "Banovići" Banovići (2017. godina)	Mišljenje o finansijskoj reviziji: Negativno	Mišljenje o usklađenosti: Negativno
6.	ZD rudnici "Kreka" (2018. godina)	Mišljenje o finansijskoj reviziji: Negativno	Mišljenje o usklađenosti: Negativno

(Grupa 3, Revidirani izvještaji)

1.	D.D. "BH telecom" d.d. Sarajevo (2019. godina)	Mišljenje o finansijskoj reviziji: Pozitivno sa isticanjem pitanja	Mišljenje o usklađenosti: S rezervom
2.	J.P. "Međunarodni aerodrom Sarajevo" d.o.o. Sarajevo (2018. godina)	Mišljenje o finansijskoj reviziji: Pozitivno	Mišljenje o usklađenosti: S rezervom
3.	Lutrija BiH d.o.o. Sarajevo (2018. godina)	Mišljenje o finansijskoj reviziji: Pozitivno	Mišljenje o usklađenosti: S rezervom
4.	J.P. "Autoceste Federacije BiH" d.o.o. (2018. godina)	Mišljenje o finansijskoj reviziji: S rezervom	Mišljenje o usklađenosti: S rezervom
5.	J.P. "Elektroprivreda HZ.HB" d.d. Mostar (2017. godina)	Mišljenje o finansijskoj reviziji: S rezervom	Mišljenje o usklađenosti: S rezervom

(Grupa 4, Revidirani izvještaji)

1.	Finansijsko – informatička agencija (2019. godina)	Mišljenje o finansijskoj reviziji: S rezervom	Mišljenje o usklađenosti: S rezervom
2.	Služba za zajedničke poslove organa i tijela Federacije Bosne i Hercegovine (2019. godina)	Mišljenje o finansijskoj reviziji: S rezervom	Mišljenje o usklađenosti: S rezervom
3.	Javni servis "Radio televizija Federacije BiH" (2018. godina)	Mišljenje o finansijskoj reviziji: Negativno	Mišljenje o usklađenosti: S rezervom
4.	"Sarajevoputevi" d.d Sarajevo (2018. Godina)	Mišljenje o finansijskoj reviziji: Negativno	Mišljenje o usklađenosti: Negativno
5.	J.P. "Željeznice FBiH" d.o.o. Sarajevo (207. godina)	Mišljenje o finansijskoj reviziji: S rezervom	Mišljenje o usklađenosti: Negativno

U procesu provedbe procedure razmatranja i izrade konačnog izvještaja, Komisija je imala izuzetno dobru saradnju sa Uredom za reviziju. Svim sjednicama Komisije prisustvovali su rukovodioci revizionih operacija i revizori zaduženi za izvještaje koji su bili predmet rasprava. Takođe, zabilježeno je i prisustvo predstavnika medija i predstavnika nevladinog sektora, čime je postignuta značajna transparentnost i informiranost javnosti o radu Komisije.

Nakon provedenih aktivnosti javnih saslušanja, Komisija je na svojoj 15. sjednici razmotrila i usvojila pojedinačne razmatrane izvještaje revidiranih preduzeća, agencija, zavisnih društava, službi i Izvještaj o izvršenju Budžeta za 2019. godinu a zatim je u svrhu donošenja prijedloga zaključaka za Parlament FBiH, konstatirala dvije skupine najznačajnijih problema i nedostatka kod revidiranih subjekata prema sljedećem:

- a) Nedostaci uzrokovani neadekvatnom komunikacijom i koordinacijom između nadležnih ministarstava, nadzornih odbora i odbora za reviziju, a posebno u pogledu isteka pojedinih mandata, pouzdanosti razmjenjenjenih izvještaja i podataka, kao i vršenja samog nadzora; i
- b) U značajnom broju slučajeva izvještaji revizije navode nedostatke i nedosljednosti u pogledu provedbe propisa iz oblasti računovodstva, usklađenosti sa Međunarodnim računovodstvenim standardima, nedostatke u primjeni propisa o javnim fondovima, javnim preduzećim i agencijama, kao i procedurama vezanim za primjenu Zakona o javnim nabavkama BiH;

U cilju eliminisanja uočenih nepravilnosti i unaprijeđenja rada revidiranih subjekata Komisija predlaže Parlamentu Federacije Bosne i Hercegovine da usvoji sljedeći:

ZAKLJUČAK

Parlament Federacije BiH prima k znanju Izvještaje o reviziji koji su bili predmet javnih saslušanja Parlamentarne komisije odgovorne za reviziju i obavezuje revidirane subjekte da pristupe otklanjanju pojedinačnih nedostataka utvrđenih u izvještajima.


Izvještaj će u ime Parlamentarne komisije odgovorne za reviziju na sjednicama Doma naroda i Predstavničkog doma prezentirati Predsjedavajući Komisije, gospodin Aljoša Čampara, odnosno Zamjenik predsjedavajućeg Komisije, g. Ivica Pavković. Izražavajući podršku radu Ureda za reviziju institucija u FBiH, Parlamentarna komisija odgovorna za reviziju predlaže da se prezentacijama ovih Zaključaka pridruže Generalni revizor i Zamjenik generalnog revizora kao izvjestioci za izvještaje revizije na sjednicama Predstavničkog doma i Doma naroda.

S poštovanjem,



PREDSEDAVAJUĆI KOMISIJE

Aljoša Čampara, s.r.



**ZAMJENIK PREDSEDAVAJUĆEG
KOMISIJE**

Ivica Pavković, v.r.

Dostavljeno:

- Predsjedavajućim oba doma,
- Zamjenicima predsjedavajućih oba doma,
- Sekretarima oba doma,
- Pisarnici,
- a/a